

續山東考古錄

續山東考古錄卷之三十

滄州葉圭綬子佩甫述

水考下

九河故道在山東境者惟屯別南澗爲鈞盤河漢於其側立般縣水經注以爲九河之一最爲有據德州老黃河東至樂陵北者今名鬲津河漢志鬲縣下云平當以爲鬲津鬲城在德州境隋鬲津縣在樂陵境故禹貢雖指定爲鬲津河但漢許商稱鬲津最南屯別南澗在鬲津之南商稱篤馬河在九河南是不以屯別南河爲九河數矣第鬲津最南之說惟依爾雅所載爲次恐亦不足深據也元和志安德縣南有鬲津枯河

詳上卷大通河故道

典安德有古馬頰覆補二河皆不足信齊乘考九河似頗翔實
究失過鑿如以士傷河爲鬲津不知卽商河故道至近志枯渠
斷港附會紛挐不足辨矣

周禮職方氏兗州其浸盧

漢志作盧

維鄭注當作雷雍字謂雷澤雖

水也困學記聞引顏師古曰盧水在濟北盧縣說文濰水出琅
邪箕屋山東入海徐州浸夏書濰淄其道鄭讀非也按鄭讀最
確顏氏不明地理就字爲解令人失笑盧縣並無盧水濰水夏
屬青州周屬幽青二州旣誤以爲徐浸又以徐浸注兗浸且不
知周無徐州夫浸也者湖泊之稱也盈饒蒲魚涸生草木者曰
澤數有來源而瀦蓄成淵者曰浸兗之澤數爲大野浸非雷澤

無足當之者盧無是水不必論濰在青幽二州亦不能名浸幽

浸爲淄時二水所匯之皮邱沉也苛浸爲沂沭二水所匯之略

馬湖也

宋史沈括傳爲沈陽主簿縣沂沭水乃職方氏所書浸曰沂沭者故跡漫爲汗澤括新其二坊疏水爲百渠九

堰以播節原委得上田七千頃可證斯湖古所有矣

濰自源至委無儲蓄處

其枝津入夷安泊乃後人

堰以溉田者烏得以浸名乎

史記河渠書禹釀二渠以引其河漢書溝洫志孟康注二渠一

貝邱川一漯川按漢武塞瓠子決河河復北行二渠以爲復禹

舊迹故孟康亦以貝邱川爲禹迹其實周定王五年河始改由

此川烏得以爲禹迹乎然亦有可疑者左傳齊履西至于河其

時河尚未改自當西至禹河但詳考春秋時齊之西境若聊若

系上... 卷之三十一
攝若清若高唐若莒皆潁貝邱川之東以西皆是晉地則齊西
境正抵此河雖不必爲禹迹似其來遠矣宋李垂導河形勢書
曰東爲漯川者乃今泉源赤河北出貝邱者乃今王莽故瀆而
漢塞宣房所行二渠蓋獨漯川其一則漢決之起觀城入蒲臺
所謂武河者也按漢塞宣房後所行二渠一漯川一仍貝邱川
王莽時空故又名王莽河當時以爲復禹舊迹固誤然非漢所
決則甚明入蒲臺者卽西漢末至宋初河道上流行漯瀆於東
武陽復與漯分在宋爲朝城地非觀城武河卽漯異名李氏似
於水經注全未寓目不然何至誣謬若是王莽河於貝邱西南
凡三大曲河流迂折每於上流潰決宣帝時命郭昌引而直東

河患稍息未幾復故遂又決於館陶是此渠險要在貝邱故漢人因以爲稱未必古有是稱也

又孝武元光三年河水徙從頓邱東南流入勃海禹貢錐指以爲稍東至東武陽卽奪深川入海

漢志東萊睡縣下居上山聲洋丹水所出丹東北入海按聲洋水今清洋河丹似是別一水與聲洋同出一山者今福山之太姑河發源萊陽之三螺山兩水皆東北流至福山縣城東北合流入海故古以兩水名鎰疑今棲霞萊陽二縣間諸山古統名居止山而鉅齒其主峯也

互詳山考

此據景祐本讀書雜誌云下丹

字衍汲古閣本東北上無丹字

又曲成縣下有參山萬里沙祠陽邱山治水所出南至沂入海
按曲成在今掖招遠之間不能有南流至沂之水漢縣以沂名
者惟臨沂並不濱海考姑尤爲齊東界名川不容不載治水乃
姑水之訛姑水發源今招遠北之蹲犬山正漢曲成地南流至
計斤縣入海沂字又斤之訛南武陽有治水東南入沂姑旣訛
治斤遂訛沂矣讀書雜誌說與余同惟以治水爲尤水蓋泥於
曲成故城在掖縣之故不知招遠亦有曲成地姑大於尤舉姑
可統尤舉尤不能統姑也

路史姑尤之尤本
作尤不知何據

又膠東國觀陽下應劭曰在觀水之陽按今所謂昌水當是古
觀水昌陽移置後遂冒昌水之名耳

又濟南郡朝陽下應劭曰在朝水之陽據水經注朝陽在涿北
水北爲陽無所謂朝水也應氏注縣名有陽字者動曰某水之陽往
往並無其水未足深據

後漢志平原高縣下劉昭注魏都賦注曰縣有蓋節淵未詳

三國志魏書孫禮傳平原清河爭界以王翁河爲限未詳王翁

末聊城人見後漢書王青傳

又云平原在兩河向東上其間有僑堤僑堤在高唐西南按此
謂漢高唐城西南水經注河水逕高唐西此堤當是西漢末以
來河堤近志謂在今高唐州西南非是

晉書載記慕容垂進屯聊城之蓬關彼今無考

魏書地形志司州陽平下有白馬淵今無考

又平恩下有康臺澤按後燕慕容農道蘭汗取康臺卽此元和志稱在平恩縣東五里今邱縣東南四里有盛水灣是已

又滄州樂陵下有白麻泉神

又兗州范縣下有涑溝

又齊州衙園下有石湯水

又齊州臨邑下有刀環水

又昌陽下有浮游水以上五水今並無考

新唐志平昌下云有馬頰河久視元年開號新河元和志作貞觀元年開決在平昌縣南十里其安德縣下云馬頰河在縣南

五十里今平原鴻溝猶有枯渠東分出土人名篤馬河蓋下流合古屯別南濱故也今德平南之鈞盤河卽此渠陵縣臨邑之間有般河店卽此渠所經德平以東仍南濱故道矣近以德平德州馬頰河當之非也

唐書竇建德傳云我聞高雞泊廣袤數百里葭葍阻奧可以遠難建德漳南人近志謂此泊在夏津武城及直隸清河縣境唐末樂彥禎子從訓伏兵高雞泊劫王鐸北夢瑣言以爲掠於甘陵可約略知所在矣

又藩鎮傳淄青李師古傳棣州有蛤蜊鹽池歲產鹽數十萬斛李長卿以州入朱滔獨蛤蜊爲李納所據以專利後德棣人王

武俊納乃築壘德州南跨河以守蛤蜊謂之三汊通魏博以交田緒按池在棣州而築城德州以守殊不可解元史世祖紀中統二年三汊竈戶經宋兵焚掠免今年租賦是年宋山東降將掠濱棣二州而九域志濱州有三汊鎮似卽古三汊城也通志係三汊城於陵縣係蛤蜊城於惠民余雜考姑從之

唐開元十四年魏州河溢其決口謂之龍窩在觀城縣西境通典州郡志魯郡泗水縣下云有泮水按泮當在魯城中此泮字疑是洙字之訛

五代史段凝傳是時唐已下鄆州凝乃自酸棗決河東注鄆以隔絕唐軍號護駕水疑卽今曹州南之俗灘河是也

舊五代史葛從周傳從破兗州朱瑾之衆於馬溝按白馬河魏志作白馬溝在今鄒縣

宋史河渠志周顯德初大決東平之楊劉決河不復故道離而爲赤河又云赤河決東平之竹村又歐陽修疏云慶曆三四年橫隴之水又自海口先淤其後游赤金三河相次又淤九域志聊城有金河水平原亦有金河李垂以赤河爲深又言臣所至並稱黃河水入王莽河與西河故瀆注金赤河又韓贄言支河流入金赤河通考聊城有金沙水似卽金河然三河今皆不能指其故道

又良山令陳暉請疏鄒滑界廢邱河以分河水勢未詳

又京東安撫黃廉言梁山張澤兩濼十數年來淤澱每歲汎浸近城民田乞自張澤濼下流落至濱州可泄壅滯從之又治平十年河決曹村下埽澶淵流絕河南徙又東滙於梁山張澤濼按張澤濼當與梁山濼相近

又五行志淳化二年七月齊州明水漲壞黎濟砦城百餘堵明水未詳

又楊日嚴傳青徐飢改京東轉運使因請江淮陝西轉粟五十萬以賑貧民又開清河八十里抵援水河以便漕運按此清河當是南清河援水河未詳

又叛臣李全傳金遣完顏霆敗楊安兒於關頭滴水斷其南路

安兒輕舸走卽墨鬪頭滴水未詳

太平寰宇記楚邱縣棠水在縣北四十五里從城武縣入界南行五里合泡溝按楚邱故城並非衛所遷棠水因望楚與堂得

名亦出附會此水似卽黃水枝津

今曹縣城武境內古無自東而西之水楚邱縣在城武西

此云從城武縣入境尤所未詳

又益都縣有平盧河水與地平故號平盧按此因平盧節度而附會者益都並無此水 又少海韓子曰齊景公與晏子遊於少海按少海卽勃海不當係益都 又烏常泛涓涓水皆不在益都並詳前

又夏津縣澗河枯澗在縣東三十六里按元豐九域志作澗溝

文獻通考作閘溝疑卽今縣東老黃河也當亦大河支流

又臨黃廢縣黃溝西自觀城縣界流入東有小支出焉亦名黃溝東南入虎掌溝按疑卽今濮州城南之玉帶河

又長河廢縣永濟渠在縣四十里四當作西

又商河縣馬頰河在縣北二十里按唐馬頰河在德平南十里又東北則合古屯別南瀆不能至縣北二十里俟再考

又樂陵縣鬲津枯河在縣西三里按此據唐縣言或以此渠爲

屯別北河考此渠逕饒安故城南今舊縣鎮南漢定縣城在饒安東

南三十里此渠在定縣北與屯別北瀆逕定城南不合 又振

陂後魏太武所築在今縣西按今無考

元豐九域志清平有新渠今無考

又臨朐有般水考般水自發源至入孝婦河皆在淄川境或宋時臨朐西境至般水歟

又冀邱有謹水疑卽蛇水以逕謹城得名也

又平陰有鹹水未詳

金志禹城有洪水又奉符有梁水皆未詳

金史僕散安貞傳大安二年七月壬午賊棘七陣於辛河令僕散留家由上流膠西濟以大兵殺獲甚衆甲申安貞至萊州辛河未詳

又蒙古綱傳興定三年奏恩州武城縣艾家凹水灤清河縣澗

口河濼其深一丈廣數十里險固可恃因其地形稍加浚治足以保禦請遷州民其中按二濼蓋相接故合計其深廣似卽古之高雞泊也

通考郟城有農水未詳

元史李庭傳世祖賜以益都居第單河官莊按庭居壽光則單河當作丹河

齊乘夷安潭古奚養澤按漢志長廣下有奚養澤在西郡國志在挺縣下二縣本相接也元和志夷安澤在高密北二十里奚養澤在昌陽西北四十里混而一之可乎

又祊水出費縣南關陽川至沂州西又分而爲涑水按祊水發

源費縣西南大匡崗東北至縣城東北入浚河涑水卽武水非
所水所分

又大清河又北逕臨邑縣考証云大清河至歷城東北卽入濟
陽縣界不逕臨邑蓋臨邑漢漯陰縣地大清河所行漯渠則臨
邑本其所經自金初置濟陽分臨邑疆域之半而邑境無清河
矣余按元和志臨邑縣濟水西去縣四十里蓋唐臨邑城在今
濟南府北僅六十里後魏時鵠山屬臨邑大清河本其所有可
知若漯渠在唐臨邑北七里安得以大清河當之臨邑於宋代
已移今治其境內無大清河未必始於金析置濟陽也

自古迄今黃河凡數大徙皆經今山東境禹河卽後世之漳瀆

周定王五年徙貝邱川西漢末行汴渠東漢初行梁川至東朝
陽別流其故道並見水經注宋徙橫隴徙商胡東流北流迭爲
通塞金決陽武注梁山泊北清南清分流入海其故道並詳圖
考元復行汴渠卽今黃河惟金元之間曾行過渠不經山東境
然與決瓠子決頓邱皆未幾復故不足數矣

人皆知運河爲元所鑿亦不盡然吳王夫差掘溝商魯之間北
屬之沂西屬之濟鄭道元謂卽泗水滕嶧間漕渠是已晉荀爽
引洸通汶直抵東阿今陽穀東阿東平汶上濟寧漕渠是已惜
其時不知置牖宣節旋卽涸絕故桓温又有鑿金鄉之役惟東
阿至臨濟乃元人所獨闢者 濟寧至東平名任城河東平至

臨清名會通河今統稱爲會通非也

元至正二十四年滋陽縣重修東嶽廟碑額上別有題字曰洗
水之東有湍水俗謂之鍛水今無考

續山東考古錄卷之三十一

滄州葉圭綬子佩甫述

一統志山東沿革辨誤

統部沿革表

兩漢高帝置濟南北海等五郡

按北海郡景帝置

魏晉青州晉領長廣等七郡

按長廣郡後漢末置魏省晉復○

兖州領高平等郡

按高平魏仍名山陽

劉宋東徐州

按後魏始加東

後魏司州濮陽郡治廩邱

按治廩邱之黎縣故城

齊周青州

按

漏注治益都○改魏安德郡爲平原郡

按齊周平

原郡仍治聊城安德未改名○濮陽郡按漏注治鄆城

隋北海徐郡

按

徐當是齊○開皇十六年於平原郡置博州大

業初廢屬武陽郡

按

上文當書治聊城則屬武陽郡方有所

指

蘭陵郡下莒州下及唐鄆州下誤與此同○統部沿革但詳州郡可矣所治縣改屬不必載也

唐登州神龍三年置治蓬萊

按

初置治文登廢復置治牟平又

徙蓬萊神龍三年徙治之年非始置也○鄆州武德初復置

後廢爲鄆城縣貞觀八年移治須昌

按

州自鄆城移治須昌

未嘗中廢州自州而縣自縣不得云廢州爲縣也 至德二

載復以郡爲州分置淄青平盧天平泰寧四節度使按改郡

爲州在乾元元年非至德二載平盧與淄青雖是兩鎮然在

山東則一鎮也

此條見沿革志

〔金〕濟州徙廢

按

州自鉅野徙任城非廢也如廢謂鉅野縣不當

入統部○恩州徙治厯城

按

城當作亭○興定中置嶧州治

蘭陵

按

此說當存疑其嶧縣沿革亦不云金置州

〔元〕益都路濟南路屬燕南河北道

按

二路屬山東東西道○博

興等州非直隸省部不當入統部

〔明〕洪武初置山東布政司

按

初置行省九年始改布政司

濟南府沿革表

〔兩漢〕章邱朝陽

按

故城在齊東

〔淄川〕萊蕪

按

故城在博山

〔臨邑〕潔陰

按

故城在濟陽

〔禹城〕瑗縣

按

故城在齊河

〔長

清濟北國治盧縣

按

所治城後分爲北安縣故城在平陰

魏晉鄒平梁鄒晉省

按

晉梁鄒屬樂安未省

劉宋長清太原縣太原郡治

按

宋郡治山茌

後魏淄川昌國徙廢

按

昌國宋徙於臨朐非魏徙

按

長清盧縣

屬太原郡孝昌二年移郡來治亦曰東太原郡

按

魏郡治太

原縣無東字其古蹟下明知東太原郡卽升城地形志太原

縣治升城不得謂郡治盧縣

齊周鄒平東平原郡天保七年兼移平原縣於梁鄒城

按

齊移

東平原郡於廣川郡城旣列入長山不當仍列鄒平移郡於

彼移縣於此謂兼移於梁鄒城殊不可解

長清省太原縣

按太原隋省。○祝阿按後魏齊周祝阿皆在齊河

隋長山東平原郡省入長山按郡不得云省入縣况廢郡時縣

猶名武強乎。長清開皇六年分盧縣置濟北縣大業初省

按分盧所置之濟北在盧縣境其時盧縣治漢之茌平城與

長清無涉長清西之濟北本名時平終隋世未省。德州陽

信縣徙置爲郡治按唐代亦列陽信云初爲州治州廢屬棣

州考隋唐陽信故城在今陽信西南城子務武定府古蹟志

所載甚明忽列入德州此誤殊不可解

唐禹城初移祝阿縣於此按祝阿自後魏已徙治今齊河境唐

移縣時已改名禹城。陵縣安德縣分置歸化縣太和四年

省入 按 歸化省入臨邑

兗州府沿革表

兩漢徐兗二州地

按

後漢魯國屬豫州

滕縣戚縣屬東海郡

按

此沛郡廣戚縣○桃山侯國屬泰山郡

按

滕縣東南境斷

無泰山郡地此縣在今寧陽

嶧縣蘭陵縣

繪縣

按

二縣

城今皆在蘭山境

金鄉金鄉縣

按

故城在嘉祥

劉宋寧陽平原縣

按

宋縣在汶上

後魏寧陽汶陽縣

按

後魏汶陽在今泗水

平原誤

同宋

泗水省卞

入鄒

按

劉宋卞縣卽今泗水縣治後魏汶陽縣治在其北四

里卞不能省入鄒

陽穀東阿移置

按

移置之城在今東阿

西二十里不當仍列陽穀

齊周隋唐同

宋滋陽改瑕縣爲滋陽

按

金改非宋改滋本作岷明始作滋

東昌府沿革表

兩漢莘縣漏載東武陽縣

清平

貝邱縣

按故城在臨清

魏晉臨清州石趙始置臨清縣當載

清平石趙置平晉縣卽

隋唐之清平當載

後魏高唐州高唐縣

按

後魏高唐猶在禹城

齊周莘縣周置莘亭縣

按

隋於漢樂平城置陽平縣改莘亭非

周置於今莘縣北莘亭也

隋恩縣漳南縣

按

隋縣卽今直隸故城縣恩境漳南鎮乃唐縣

夏津夏津縣

按

今夏津乃隋郟縣隋立夏津旋省其故城

在縣北境當附注不得舍郟而獨標夏津也

唐臨清州永濟縣

按

故城卽今館陶

宋臨清州臨清縣熙寧五年省入宗城爲鎮

按

九域志熙寧五

年省永濟爲鎮入館陶尋改隸臨清八年省大名爲鎮入元

城洹水爲鎮入成安經城爲鎮入宗城並無省臨清入宗城

之文如已省入宗城何又改永濟鎮隸臨清乎蓋誤看志文

青州府沿革表

兩漢博山旁注萊蕪縣地

按

故城正在縣境當大書萊蕪縣

高苑建信縣

按

故城在青城

昌樂劇縣後漢省

按

後漢省

菑川之劇此劇爲北海國治所安得省乎 [諸城東武縣瑯

邪郡治 按郡治琅邪縣○平昌縣 按故城在安邱○石泉縣

按故城在高密○昆山縣 按故城在日照

魏晉博興利益縣 按古蹟志明知晉志是混兩縣爲一此不當

仍書利益壽光下既列益都此益字更當刪去 [諸城惠帝

置平昌郡治安邱 按無據○平昌縣初屬城陽後屬平昌 按

平昌郡高密郡同時置而平昌縣卻屬高密不屬平昌

劉宋臨淄西安縣 安平縣 按二縣宋移臨朐境 [博興樂陵

郡 按宋樂陵郡在大河之南與河北羊闌城相對不在博興

在博昌者乃其樂陵縣城 [壽光漏載河間僑郡之南皮樂

城等縣

臨朐都昌縣

按

宋都昌寄治青州城○脫載盤陽

西安安平○省臨朐縣

按

改置昌國縣非省

後魏**臨朐**都昌縣

按

故城在昌樂○脫載西安安平

安邱平

昌郡治昌安

按

郡治崞城故城隋志有明文

諸城東武縣

膠州東武郡同治

按

州郡同治東武故城而東武縣卻屬高

密郡

齊周青州皆治益都

按

齊時郡仍治臨淄周始徙治益都見通

典

益都益都縣齊始置縣

按

益都縣曹魏所置齊徙置非

始置其壽光下云齊省益都縣

按

是徙非省

臨淄齊省入

益都

按

齊省臨淄入高陽

博興樂陵縣

按

齊已改名樂安

登州府沿革表

〔兩漢〕萊陽昌陽縣

按

故城在文登其古蹟下明載寰宇記昌陽

在文登之文表不當係兩漢昌陽於萊陽也 〔又〕登不夜縣

按

故城在樂城

○腫縣

按

在福山

〔海陽〕當書觀陽縣

〔魏晉〕東萊郡徙廢

按

郡自黃遷掖郡固未廢縣亦未廢也

〔後魏〕〔福山〕牟平縣牟平郡治

按

郡治黃之中郎城黃縣下亦脫

載

〔齊周〕黃縣脫載長廣郡治

〔福山〕牟平縣

按

齊隋牟平皆在今

蓬萊

〔梁城〕文登縣

按

當旁注文登縣地

〔萊陽〕省長廣縣

按

徙治後魏之卽墨縣非省

隋萊陽盧鄉縣開皇十六年徙置按此因新唐志及後漢書注

而誤詳平度萊陽

唐黃縣神龍三年省入蓬萊按是年改黃縣名蓬萊非省黃入

蓬萊

萊州府沿革表

兩漢掖平度縣按故城在平度 膠州脫載拒縣

魏晉膠州黔陬縣高密郡治無據

後魏平度州膠東城長廣郡治不置縣按地形志長廣郡卽墨

下注郡治非不置縣 高密高密縣高密郡治按無據

齊周省長廣郡按徙治黃縣之中郎城非省 濰縣下密縣徙

置郡治按此縣後魏標北海郡下注徙置平壽縣下注郡治
蓋謂魏徙平壽於今濰縣爲北海郡治也於齊又云徙置殊
爲矛盾 膠州黔陬縣脫載平昌郡治

唐濰縣脫載別置又省之膠東縣 膠州高密縣地 按南境諸

城地

明平度州 省膠水縣入州 按升縣爲州非省縣入州 膠州膠

西縣 按當作膠州旁注省縣入州

武定府沿革表

兩漢惠民富平侯國 按故城在陽信 雷城脫載建信縣 陽

信 旁注陽信縣地 按當大書富平侯國 涪化重邱縣隋代

標將陵縣

按

重邱在安德故城北五十里安德故城在今陵

縣東南重邱卽陵縣東北之神頭鎮隋將陵縣在陵縣北五

十里今在直隸吳橋境此因近志沿顏魯公東方朔贊碑陰

記之誤以神頭爲前漢厭次輿地廣記誤以將陵爲重邱霑

化在陽信之厭次故城北遂謂重邱將陵在霑化展轉乖舛

何至於此

濱州當大書濕沃縣

蒲臺濕沃縣

按

故城在

濱州

後魏惠民厭次縣治馬領域

按

馬領域在陽信

陽信當大書

厭次縣

樂陵

初置義熙郡

按

熙當作興

齊周陽信當大書陽信縣

隋唐同

隋海豐無棣縣

按

隋縣在直隸慶雲縣東南

唐五代誤同

〔霑化〕將陵

縣

按

當刪

唐

〔濱州〕

當大書蒲臺縣

沂州沿革表

兩漢蘭山脫載蘭陵繪戚三縣

〔沂水〕盧縣

按

當作盧百昭當

載崑山縣

魏晉沂水東安郡治葢縣

按

後漢末置郡治在葢境晉復置於

魏之東莞郡城魏晉時東莞未移治

在郡城東北四十里宋魏以後治在莒州東莞

集古鄆邑城也杜預稱邑在姑幕南故知晉未徙治

當爲東莞地未必已屬葢縣

劉宋蘭山襄賁東海郡治

按

宋襄賁後移今江南海州境

齊周郟城郟郡郟縣

按

齊郡縣皆廢周復置而郡屬邳州

〔莒〕

州省東莞郡

按

東莞郡省而義塘郡如故當載

斤水莒州

東安郡齊移郡治東莞周改州名

按

郡自西晉末卽治團城

非齊始徙治其時東莞縣治在莒州東莞集不得云治東莞

○齊省蓋入東莞

按

隋志但稱省姑幕入東莞不云省蓋入

東莞其時東莞縣治古鄆城蓋縣不能省入

唐蘭山復置利成蘭陵鄆三縣旋省當載

金日照日照鎮

按

當旁注

元蒙陰當先載置行新泰縣旋廢復置改名蒙陰

泰安府沿革表

魏晉新泰魏置晉初屬泰山郡

按

魏復置東平陽縣晉改名新

泰 東平須昌縣東平國治 按 晉志東平雖首須昌未必爲

國治 東阿穀城縣屬濟北郡 按 郡治盧子城實穀城縣地

當載

劉宋 東平州壽昌縣壽張改名 按 宋志作壽昌涉上文須昌而

誤下並未稱何年改魏志亦不云宋曰壽昌皆可見也舊五

代史王彥章傳鄆州壽張人新史作壽昌亦筆誤也 肥城

濟北郡治蛇邱 按 郡治肥城故城隋志有明文宋未復置肥

城縣蓋地隸蛇邱也

後魏泰山郡治鉅平 按 魏郡治博平

齊周 東平州須昌縣齊改置於須胸城 按 齊改置於東平國城

非須胸城

宋東阿兩徙治

按

兩徙於古毫無證據與寰宇記九域志所載

東阿至州里數皆不合

詳東阿縣

未可據縣志定論也

元東平州壽張縣

按

自漢迄元壽張縣志皆列東平州蓋據水

經注漢壽張故城當在州境也但後魏分壽張爲兩縣一仍漢治一卽今壽張集齊周以後之壽張皆治彼今雖與州接壤實壽張縣地東平州齊以後之壽張皆當刪去

曹州府沿革表

兩漢荷澤

都關縣

按

古蹟志都關故城在濮州東南此不當列

荷澤

范縣范縣

按

漢至後魏范縣皆在壽張後魏分范爲

兩范縣一治秦城隋迄明初之范縣仍之今爲范縣地漢迄
晉所書范縣皆當刪去後魏大書當注明屬濟州東平郡

觀城畔觀縣按故城在直隸清豐境後漢迄宋當旁注畔觀

衛國觀城縣地 朝城東武陽縣按故城在莘縣

魏晉單縣單父縣按東晉改名離狐當載

劉宋荷澤省句陽縣按縣境非宋所有故宋北濟陰郡治東晉

之離狐卽單父城句陽之地宋不得而省之也 定陶以前

宋在第三列濮州以後後魏在第三列不列宋第六列第七

列遂將唐代重出

後魏觀城臨黃縣按故城在濮州 鄆城濮陽郡治故黎城當

續山東考古錄 卷之三十一 十 蝟角尖廬

載○濟州壽張縣地當載

宋河澤冤句縣

按

當作宛亭宋改名也

續山東考古錄卷之三十一

滄州葉圭綬子佩甫述

一統志山東古蹟辨誤

濟南府古蹟

陽邱故城在章邱南元和志高齊移高唐於此寰宇記高唐故城在今章邱東南十五里黃巾固城今章邱縣治

陽邱城在今縣北元和志稱齊移高唐於此卽黃巾固非移陽邱城也寰宇記稱陽邱故城在東南非謂高唐城也今治元初所徙非黃巾固

朝陽故城在章邱西北魏王城在齊東西南

魏王城卽朝陽城

亭山故城在章邱西南齊乘云在縣東南六十里

齊乘據厯城縣言故云在東南連書殊矛盾

濟南故城在鄒平北 平原故城在鄒平東 濟南郡故城史記正義引括地志濟南故城在長山縣西北二十五里後漢書章帝紀元和二年進幸濟南章懷太子注縣名今長山縣西北按兩漢止有濟南郡並治東平陵無濟南縣不知括地志後漢書注皆何所據也

三城實一城也後魏之平原縣隋初置濟南縣括地志成於唐初自隋以來濟南郡名齊州齊郡而濟南縣則大業時方

省故但知長山有濟南故城後漢書注古地名大抵本括地志別無他據也其實此城在鄒平東南長山西南其在長山西北鄒平北而稍東者乃漢梁鄒城高齊之平原縣唐初人知隋之濟南縣初本平原縣遂以彼當之不知今鄒平境有魏齊隋三代三平原城也

隋初平原卽漢鄒平城後復故名

著縣故城在濟陽西南 郭城在濟陽西

郭城卽著城

高苑故城卽今新城縣

城卽新城縣西苑城店今屬長山

平安故城唐復置屬青州

唐復置安平縣非平安

禹城故城在禹城西南隋唐間自長清縣界移祝阿於此 祝阿故城在長清東北唐初移今禹城

禹城故城乃後魏所徙之祝阿非隋唐間所徙今爲齊河縣地長清之祝阿故城下又云云殊矛盾

環縣故城在禹城南 晏城在齊河北

晏城卽環城

臨邑故城在臨邑北 潔陰故城在臨邑西後漢志作濕訛

兩城皆在濟陽西南惟巨潔亭在臨邑境濕古潔字非訛

山莊故城在長清東北唐改豐齊

漢茌縣唐豐齊是兩城兩漢皆名茌曹魏改山茌當從其朔

德州故城今陵縣治卽漢安德縣也 臨齊城在陵縣東北

陵縣治卽臨齊城非漢安德城

歸化故城在陵縣南卽金嚮化鎮

歸化城在濟陽西北非金嚮化鎮

長河故城今德州治

唐長河凡三城當並載今州治乃小胡城元和前縣不治此

重邱故城在德州東

卽陵縣神頭鎮表列重邱於霑化與此矛盾

平昌故城在德平西北

平昌凡三城當並載一曰西平昌

般縣故城在德平東北

般凡三城一隋縣卽後漢西平昌城當並載漢唐二城隋縣則書於西平昌城後

平原故城趙平原君封邑今平原有古城二一在南二十餘里一在縣西南三十里

平原君封邑卽東武城以平原爲稱漢平原縣自是齊地與

平原君無涉在南者是漢縣南稍在西南者是郟縣故城

營城廢縣實宇記營城在厯城東四十里又有營城在縣西二

十七里

寰宇記營城在縣西云云蒙上全節廢縣爲文全節之西卽
厯城之東非有兩營城也

舊志章邱有魏郡郭林鎮在縣西北六十里疑卽故東魏郡
東魏郡治故臺城今厯城地

樂安城在章邱縣北

此劉宋臨濟縣城此據寰宇記在臨濟東北八十里之文故
以爲在章邱北不知今爲齊東地也

鍾城在禹城西南 斗城在禹城西南

鍾城胡三省謂在泰山郡界故余疑厯城之中宮鎮是古本
奉高地也斗城當在長清二城斷不在禹城境

兗州府古蹟

曲阜故城在曲阜東十里縣志宋遷於此明還魯城按故城乃齊隋時遷此

漢至宋初魯縣曲阜縣城卽魯城特魯城甚大後魏以後縣在其東北隅而以西廢址爲古城故地形志魯縣下云有魯城也宋東徙明還魯城縣志不誤按語謂齊隋時遷此殊不可解

汶陽故城在寧陽東北漢縣晉宋後魏因之

後魏汶陽城在泗水縣北

壽張故城在今縣東南五十里東平州界

知此城在今縣境表何以自漢迄元壽張皆列東平州耶蓋
誤以後魏濟州壽張爲漢縣又因水經注汶水所經之壽張
確當在東平境故旣謂在今縣東南又謂在東平不知非一
城也

任城廢縣今濟寧州治

漢城去亢父城僅十里安得爲州治乎

御邑在鄆城縣東十二里今名御屯左傳臧武仲如晉雨過御
叔

此未詳所本旣在鄆城當列曹州古蹟

鄆城在曲阜東南魯邑按鄆左傳作阪史記作聊字義皆同與

邾婁之改名邾者有別水經注謂邾國爲叔梁紇之邑者誤也
魯之邾邑本邾故都故水經注云然特誤以文公所遷之繹
當之耳左傳作聊史記作甌

成縣故城在寧陽北 成城在寧陽東北九十里

成縣卽成邑此因公羊成作盛遂以盛鄉城當之謂在寧陽
北亦出臆度據水經注今寧陽縣城極似盛鄉城惜無他證
耳

甲父亭在金鄉南

甲父亭在昌邑東南當在金鄉西北

東昌府古蹟

荏平故城在今縣西二十里 濟州故城在荏平西南卽稿礮

城本漢荏平縣地

紀要誤同辨已見前
意有未盡故復辨及

後魏之濟州城卽漢荏平縣城水經注元和志有明文元和志又稱漢荏平城西瀕河晉移理博州界蓋漢城在大河南岸此處河東北流故亦可云西瀕河鄧里渠逕荏平城東卽臨邑城西臨邑城在今東阿北境則荏平城在今縣南東阿西北不在今縣西明矣今縣西卽唐博州地如漢城在此安得以爲晉移乎元和志聊城縣下荏平故城在縣東五十三里余初謂卽指漢城以與聊城至濟州里數相符也但漢城在聊城東南且已爲唐濟州所治之盧縣不當又係聊城地

形志莒平有莒平城後魏莒平治鼓城其所有之莒平城似即晉移理於博州界者在唐聊城東五十三里也唐聊城在今聊城東北二十里去今莒平四十里在唐聊城東五十三里當在今莒平東或東南十許里亦不能在其西也

貝邱故城在清平西南寰宇記後魏初移於故城東北十里今縣東又有貝邱城即後魏治所

漢城在石趙所立臨清城東南五十里斷不能在今清平南寰宇記所謂今縣謂臨清縣宋初臨清猶在故治後魏貝邱城亦不能在今清平

臨清故城在今州南

在州南者金初所徙非古城

平恩故城在邱縣西應劭曰故館陶之別鄉按邱縣之名自元始而明統志云本館陶之別鄉不知何據

明志所據卽應劭說

高唐廢縣今州治後魏景明三年始改置縣於此

後魏縣仍漢治高齊以後高唐治莒城亦非今治

東陽故城在恩縣西北漢縣隋復置改爲漳南

隋縣非漢城亦非今恩縣漳南鎮

畔城在聊城西博望城在舊博平西南

於古皆無據

信鄉故城在夏津西

應劭稱在甘陵西北七十里似不能在夏津境

侯城在武城西南

應劭稱在東武城西南七十里以今里計當得四十許里縣西南十五里接清河界似不能在縣境也

四口關在茌平縣南

關在長清故城西南六十里後魏聊城縣故城東南八十里似當在長清平陰之間不能在今茌平南也

青州府古蹟

高陽故城北齊廢郡隋始廢縣

此城宋魏但爲郡治其縣治無考齊天保七年始移縣於廢郡城見寰宇記高密縣下此似宋魏高陽縣附郡城矣

樂陵故城見博興縣治劉宋於今縣東故博昌縣地僑置樂陵郡及樂陵等縣北齊移樂陵縣於今治隋於漢故樂安地改置博昌省樂陵入之唐武德初改置樂安縣八年省總章二年又移博昌縣來治 樂安故城在博興縣北

據元和志隋博昌縣卽齊所移之樂陵縣後又改名樂安故隋志博昌下稱舊曰樂安惟元和志脫載樂陵改樂安之文非隋初別置樂安縣也

如隋初所置隋志當云開皇初置樂安不得云舊曰樂安隋志所謂舊皆

指前代唐初博昌卽隋治而於漢樂安故城置樂安縣八年省

總章二年又移博昌於此卽今博興治城在濟水之北而薄姑城博昌城皆在其東南質以水經注卽漢樂安縣城甚明其北安得又有樂安故城乎

長樂故城寰宇記劉宋於今高苑縣西二里如狄故城置長樂縣按漢志狄卽臨濟劉宋時臨濟爲縣如故何由別置郡縣於

此謂渤海郡豈寰宇記所謂如狄城者非漢之狄耶

臨濟縣宋魏爲渤海僑郡治見水經注其臨濟縣西移於今齊東縣境故境內有漢鄒平建信二城寰宇記如狄之稱本不可解然與被陽城夾濟水故道確卽漢狄城

劇縣故城晉書地理志元康十年分城陽之大劇屬高密漢有

二劇縣故謂此爲大劇

晉志此條稱城陽之十一縣而實止十縣大字明是夷安二字脫誤其城陽國下劇縣何嘗有大稱乎

益縣故城在壽光縣西又名南豐城 益都故城有二一爲漢侯國在壽光北一爲三國魏所置縣在壽光南二城與益縣凡三城

巨洋水逕益縣故城西南豐城在巨洋水西烏得爲益縣城乎魏益都縣卽漢益縣水經注謂南豐縣置於益縣城已與所引晏謨南豐西去齊城五十里之說不合此因水經注致誤而不知其城在巨洋西也

昌安故城今安邱縣治

城在安邱東南二十里

昌縣故城水經注久台水逕昌縣故城西應在諸城縣東南縣志縣東北三十里有昌城社疑是石泉故址也

昌城社正在盧水東卽古昌縣城石泉城西北去平昌城僅

四十里

以今里計不足三十里

今在高密境

登州府古蹟

齊黎故城在寧海州界 睡城在文登縣界 齊康公城在寧

海州東十五里

三城皆在福山

牟城在福山西北三十里地形志牟平有牟城

在西北三十里者卽牟平縣故城非牟子所居之牟城

膠東廢縣在平度東南隋末置唐初屬萊州

隋無膠東縣唐初所置之膠東在濰縣東南八十里

下密故城水經注濰水逕下密故城東有密阜今密阜在縣東三十里又有故城社在縣東二十里二地道里不同疑卽安帝所移置也

水經注云濰水逕下密故城西城東有密阜此脫引城西二字縣東三十里之密阜正在縣東二十里古城社之東安得疑道里不同臆度爲安帝置乎

訾亭故城在昌邑西卽古鄆邑唐武德三年置訾亭縣寰宇記訾城在縣西北十五里是唐之訾亭縣名勝志五亭社在縣西三十里是鄆邑故址也

古邑唐縣是一城寰宇記之十五里乃三十之倒文三訛爲五耳奈所見本作十三

武定府古蹟

樂陵故城在樂陵西南三十里其墟嶺高丈餘周三里又有故縣在縣西北二十五里蓋卽宋時所徙之咸平鎮也

漢城後魏城皆在今縣東南在西南者宋縣在西北者唐縣濕沃故城在蒲臺西北隋志滴河有後魏濕沃縣按地形志後

魏未嘗改置縣其在滴河地者去今蒲臺稍遠疑三國時復置於此非漢之故矣

漢城當在今濱州界隋志原可疑謂曹魏改置亦曲爲之解官寇城有二一在利津東北七十里一在霑化東七十里

實一城兩縣志皆載之耳

保順軍城今海豐縣治

城在海豐西北卽宋之無棣縣城非今治

沂州府古蹟

卽邱故城在蘭山東南宋爲琅邪郡治

劉宋卽邱在縣西南

故郟城在今縣西三十里故縣社

郟城故城在沂東流西故縣社在沂西斷非故郟城

莒春秋凡三莒一爲周境內邑昭二十六年陰忌奔莒是也一爲齊東境昭三年齊侯田於莒十年陳桓子請老於莒是也一爲魯邑定十四年城莒父是也惟此爲莒國

陳氏之莒近古高唐卽古靈縣之莒城不在齊東境齊侯所田或卽此莒或齊東別有莒邑不可考矣

靈門故城寰宇記在沂水縣西北一百里

寰宇記謂沂水縣東北一百里有巨平山靈門城又在山北
沂水側此引殊誤

蒙陰故城在今縣西南十五里又有故城在縣東十里蓋後魏所置新泰縣也

在西南者漢縣在東南者晉縣後魏新泰卽今蒙陰治

東莞故城今沂水縣治舊志有故城在西北二十里發干故城在西北

今治乃後漢末東莞郡城漢縣在東北西北二十里之古城卽發干縣也

陽都故城卽諸葛城以諸葛氏陽都人故名王僧辨城齊乘土人呼諸葛城

王僧辨城在蘭山東北五十里陽都城南去蘭山百二十里

既引齊乘說不當又以陽都城當之

許田城在蘭山西北五十五里

今屬費縣

曹公城元和志在莒縣南七十二里齊乘在莒州南二十里今謂之五花營

齊乘本誤連引殊爲矛盾

蘧邱里在莒州北

據左傳楚伐莒行師之次當在州南

泰安府古蹟

平陽故城在新泰西北

今治南有遺趾不在西北

下謹城在肥城西南

今在泰安境縱在肥境亦當在東南

桃城在東阿西南漢功臣表劉襄爲桃侯

任城亦有桃聚滕縣又有桃山漢初曾立新桃縣今不可考
劉襄所封烏知卽東阿之桃乎

萊蕪監在萊蕪縣東南八里

監卽今縣治在東南者乃明鐵冶提舉司治所也

曹州府古蹟

呂都故城州志云漢呂后割濟南爲呂國此其所都也

因呂都字而附會之竟不知濟南爲何地耶似因呂都屬濟陰郡又誤以濟南爲濟陰抑知呂后時並無濟陰郡乎

離狐故城在荷澤西北秦置縣隋開皇六年更名單父

東晉改單父爲離狐隋復故名與此城無涉此係後魏縣漢城在此城西北三十里非荷澤地

郃城故城水經注泡水逕郃城縣故城南寰宇記南部在北部南二里按今本漢志有郃城無郃城寰宇記以水經注之北部爲南部謂爲漢縣而北部不知所在

郃乃郃字之訛 寰宇記成武縣下云南北兩郃文王庶子所封宋邑也漢置郃城縣於此以北有郃城故以此爲南部

實郃城縣並無相去二里之文所謂南部卽水經之南部明
云南北兩郃又云以北有郃城何得謂不知北部所在乎

稔縣故城孟康曰成武縣有稔城

有稔城乃續漢志劉昭注引晉地道記之文非孟康漢書注
黎縣故城在郃城西春秋時黎國也詩序黎侯寓於衛左傳哀
十一年衛太叔疾置其妻之姊於犁

此黎侯所寓之衛邑先儒謂泥中爲邑名固不足據然可見
此地古無黎名後人以黎侯所居以名縣耳

范縣故城在范縣東南春秋屬晉

此魯之秦邑

陽晉城在鄆城西括地志陽晉城在乘氏西北三十七里

古陽晉城在今范鄆之間在乘氏者乃唐縣

中城在范縣南春秋成九年城中城注在東郡廩邱縣西南

杜注謂在東海厚邱縣西南傳刻訛厚作廩此又改海作郡

咸亭在鉅野南左傳杜注高平鉅野縣西有咸亭

注謂在鉅野南不云在西據水經注當在今鉅野東

盧津關在濮州西北

元和志稱關在臨黃東南臨黃城在州東北關安得在州西

北乎

古蹟既不以時代爲次又不從州縣之次古國古邑彙列郡

縣故城之後殊不合

湯 鉉 王珠照

蔣繼珠 張雲祥

及門

靳芝亭 王 燾

校字

汪兆侗 李黎桂

皮錫垣

鎡 鑄

姪 鈔 錦

鏞

繕寫

男 鍾